

Бар жақсылық аналарға

8 наурыз – Халықаралық әйелдер күніне орай қаламызда бірқатар мерекелік шара өтті. Басты жиын Арқалық қазақ жасөспірімдер театрында ұйымдастырылып, нәзік жан иелерін қала әкімі құттықтады.

Салтанатты шарада қала әкімі Әмірхан АСАНОВ көктемнің өзіндей көрікті жандарды төл мерекелерімен құттықтап, қоғамның түрлі саласында ерлермен қатар еңбек етіп, жауапты, тиянақтылығымен әр істің берекесін келтіріп келе жатқандары үшін алғыс білдірді. «Ер елдің иесі, әйел – үйдің киесі» дегендей отбасындағы береке-бірлікке, өмірдегі әсемдік

пен нәзіктікке жолбасшы бола жүріп, айналасына инабаттылықтың нұрын сепкен аналарымыз қашан да құрметке лайық. Қаламызда өмірге ұрпақ әкеліп, оларды тәрбиелеп өсіруде үлгі-өнеге болып жүрген алтын құрсақты аналар да жеткілікті. Бүгінде өңірімізде көпбалалы аналарымыздың саны 716-ға жетті. Олардың 34-і «Батыр аналар», 171-і «Алтын алқа», 452-сі «Күміс алқа» иегері. Ал, 59 ана I-ші және II-ші дәрежелі «Ана Даңқы» орденімен марапатталған... Осы мерейлі мереке қарсаңында дендеріңізге саулық, отбасыларыңызға бақ пен береке, шаңырақтарыңызға шаттық тілеймін! Жүздеріңізден күлкі, көңілдеріңізден қуаныш кетпесін!» деп тілегін жеткізген қала басшысы түрлі салада нәтижелі еңбегімен танылып жүрген мереке иелерін, алдыңғы



толқын ақ жаулықты апаларды марапаттады.

Жемісті еңбегі үшін және 8 наурыз Халықаралық әйелдер күнінің құрметіне орай «Арқалық қаласының орталықтандырылған кітапхана жүйесі» мемлекеттік мекемесінің кітапханашысы Марал МҰҚАНОВА «Қазақстанның құрметті кітапханашысы» төсбелгісін иеленсе, облыс әкімінің құрмет грамотасы, Арқалық қаласы әкімінің құрмет грамотасы, қала әкімінің алғыс хаты бірқатар жанның мерейін үстем етті.

Марапаттау шарасынан кейін мерекелік концерт өтті. Биылғы жылғы концерттік бағдарлама танымал кино желісіне негізделіп, бұрынғыдан өзгереді болды. Осылайша шара қонақтарының мерекелік көңіл күйін еселеді.

(Жалғасы 2 бетте)

Бар жақсылық аналарға

Түрлі салада қызмет жасап, белсенділігімен танылып жүрген азаматшаларға мереке қарсаңында қала әкімі Әмірхан АСАНОВ «Сайора» мейрамханасында құрмет көрсетті. «Арулар – асыл жандар» аталған шарада қала басшысы жиылғандарды көктем мерекесімен құттықтап, жүрекжарды лебізін жеткізді.

Білім беру саласының ардагері, қалалық «Аналар кеңесі» қоғамдық ұйымының төрайымы Бақытжамал ҚАЛТАЕВА апамыз, тоғызқұмалақтан спорт шеберлігіне үміткер, облыстың бірнеше дүркін чемпионы Айым ДҮЙСЕНБИ мінберден сөз алып, мерекелік құттықтауларын арнап, өздеріне құрмет көрсетіп отырған қала басшылығына алғыс білдірді.

«Алтын алқа», «Күміс алқа» иегерлері, «Аналар кеңесі» ҚҰ мүшелері, іскер әйелдер, ҰЕҰ жетекшілері, ұстаздар, өндіріс озаттары, дәрігерлер т.б. сала өкілдері ақ дастархан басында емен



– жарқын әңгімелесіп, ақ тілектерің айтысып, әсем ән тыңдап, қала басшысымен естелік суретке түсіп, көтеріңкі көңіл күймен тарқасты.

Шараны «Арқалық қаласы әкімдігінің мәдениет және тілдерді дамыту бөлімі»

ММ тапсырысы бойынша «Жастар – азаматтық бастамалар орталығы» ҚБ ұйымдастырғанын айта кетейік.